



UPA 2026/27

28/4-2026

Justus Hansen

**Uunga siunnersuut Unammilleqatigiinneq pillugu Inatsisartut Inatsisaata allanngortinnissaa pillugu Inatsisartut Inatsisaat (Niuertarfinnik paasiniaaneq, immikkoortortamik misissuinerit, Unammilleqatigiinnermut Ataatsimiititaliap toqqaanera, taasinnermut maleruagassat ingerlasinnaassuserlu, suliffeqarfiup allagaatinik takunnissinnaanera, killigitamik unitsitsineq il.il.)**  
(Nunanut Allanut, Inuutissarsiutinut Aatsitassanullu Naalackersuisoq)  
(Siullermeerineq)

Naalackersuisut siunnersuuteqarnerinut qujanaq.

Unammilleqatigiinneq ingerlalluartoq, inuiaqatigiit peqqissuunissaanni aalajangiisuvoq. Niuerfiit ingerlalluaraangata akit pitsaannerusut pilersinneqartarput, qinigassat amerlanerusarput, innuttaasunullu aamma suliffeqarfinnut pitsaannerusunik atugassaqartitsisoqartarluni. Naggaterpiaani inuit ullinnaannut, akillu aamma atugassarititaasut naleqquttuunerinik atuisutut tatiginnissinnermut tunngassuteqarpoq.

Unammilleqatigiinnerup nukittorsarnissaanut siunnersuut manna periarfissagissaarnerulersitsivoq. Unammilleqatigiinnermut oqartussat niuerfinnik misissuinnissaminnut, pissutsinullu unammilleqatigiinnermut ajornerulersitsisunut, pisunullu inatsisinik toqqaannartumik unioqqutitsinerunngitsunut akulerunnissaminnut nutaanik sakkussaqaalissapput. Ilutigisaanik ersarinnerulersitsisoqassaaq, malittarisassallu inuiaqatigiinni pissutsinut piviusunut naapertuunnerulersillugit iluarsineqarlutik, matumani Unammilleqatigiinnermut Ataatsimiititaliap katitigaanera, paasissutissalerinerlu ilanngullugit.

Demokraatit isumaqarput tamanna isumatusaarnerullunilu pisariaqartoq. Unammilleqatigiinneq nukittorsarneqaraangat tamanna innuttaasunut iluaqutaasarpoq, inuussutissarsiorterullu ineriartornerunissaanut akisussaassuseqarnerunissaanullu tapertaasarluni.

Taamatut oqaaseqarlunga siunnersuut Demokraatit tapersorsorpaat, suliallu Inuussutissarsiorterimut Aatsitassanullu Ataatsimiititaliami nangillugu oqaluserineqarnissaa inassutigalugu.